

PURPURATUS
RUBRICIS JURIUM JUDICUM
PRINCEPS

D. IVC.
SENATUI ACADE-
MICO

Universitati Carolo - Ferdinandeæ
Pragæ in Basilica Beatæ Virginis
Theinensi,

Ad venerandum Propositus.

à

NOBILI ac GENEROSO DOMINO
JOANNE GODEFRIDO IGNATIO
Schrott, Moravo Brunensi, Regij Districtus
Iglaviensis in Moravia antehac Secretario, J. U. A.

Anno M. DCCIV. Mense Junij, die io

MICRO - PRAGÆ:

Typis, Caroli Ferdinandi Arnolt de Dobroslavina,
Reg: Aulae Typogr:

*ILLUSTRISSIMO
DOMINO DOMINO
FRANCISCO
ANTONIO
S. R. I. COMITI
DE LIECHTENSTEIN.*
LIBERO BARONI in Kastelkorn, Do-
mino in Schönau, Corneidt, Rinigelstein,
Tchengelsburg, Krumpach, Purgbernstein, Warten-
berg, Blauda, Krumpach, & Töltsch, Hæreditario
Præfecto in Alsatia.
*SACRÆ CÆSAREÆ REGIÆQUE
MAJESTATIS
CAMERARIO.*

Domino Domino Gratiostissimo.

ILLUSTRISSIME DOMINE DOMINE COMES.

Non alio Purpurati IVO NIS mei sapientem Purpurā adaptare, non alio Judicū Principē statuere potueram, quam ad Amplissimam sapientiae Domum, Illustrissimam sublimis Pro sapia Tuæ Regiam. Evanescit hic temporaneum Cyri Palatum, quod gemmis, ac lapidibus pretiosis siderum effingens species, Cœlo æquari videbatur: Dum Preciosioribus Gemmis, Lapidibusque Lucidissimis perennantia stirpis Tuæ ornantur sidera, quæ non sine veneratione orbis suspicit Universus. * Ostentabat olim De- Plautus metrius in pallio suo aurō ac gemmis contextum terrarum in Deme- orbem! quanta Gloria! Gestant Regnantes bacchanus Impe- ratores Augustissimi in Regali Purpura sua Lapidibus pre- tiosis depictum Cœlum, Vestris videlicet siderib[us] illustratum. Hoc perennat! Vestra nimirum ad Aras devotio, Vestra erga Romanum Imperium intemerata Fides. Illam insculptam cordi gestabat Julio-Montane Insula Serenissimum fidus CAROLUS: Istam Heroicas actis, ac Sapientia sua consilio profitebatur CHRISTOPHORUS PHILIPPUS, Moravici Assessor Tribunatis, & Suæ Sac: Cas: Maj: Camerarius Fidelissimus. In illo infinitas Tiaras Vestras indelebili Perennans Fama depingit penicillò: in Isto Fortissimos pro Rege Athletas, strenuissimos pro Patria Curtios bucci- nans

Weingarnans declarat Gloria, quos jam ab Anno 1300. * perennantur
in spe-tes, satis celebrare lingua humana non valet. Nec me ad
suo Prin-
cip: fol: alios transire finit Tua Universalis sapientia, ILLUSTRIS-
317. SIME D.D. COMES. Siquidem:

Quæ sunt dispersa per omnes

Claudia-
nus. In Te mixta fluunt, & quæ divisa beatos
Efficiunt, collecta tenes, *

Laert: in
Stilp: Unus Genuinus Virtutum Hæres, Unus Virtutum augens
speculum, qui infusas tibi cum Nobilitate Proto-Parentum
non modò reddis, sed amplias Magnanimitates, ita ut No-
bilitati Tuae non minùs sis ornaimento, quam illa tibi de-
cori: * Ubi illa Nobilem infudit sanguinem, tu eodem illi
per Gloriosa gesta Tua Purpuram decoloras! Adhanc ergo
Purpuram Tuam, Divi IVONIS mei Purpura (sapientia
Tuae, non velanda, sed Orbirevelanda Symbolum) de votè
assistit. Patere ILLUSTRISSIMME D.D. COMES, bac
Purpurā Atheneos Infractæ Constantiæ Vestiri Muros:
patere, bunc Judicum Principem, qui jam semel coram
ILLUSTRISSIMA stirpe Tua aliunde comparuit, Purpu-
rā nunc Velatum iterum coram Te revelari, & in Profun-
dæ sapientiæ Tuae Conclavi commorari. Ceterum ego, in-
numeris Tuis vinculatus Favoribus, dum hanc Rubrican-
tem substerno Purpuram, meum quoque bullientem san-
guinem pro Tua, Tuaq; Perennantis Stirpis Glorialubens
effundo,

Illustrißimæ Dominationis

Tuae

demississimus clientum.

JOANNES GODEFRIDUS SCHROTT.

ORATIO.

Ubmissô veneror poplite sublimissi-
mos Principum ac Monarcharum Orbis im-
mensi Thronos : ita tamen, ut sua altissimorum
partium Genitrici subsellia non denegem
sapientiae. Subjectissimis revere ornu-
tibus supra Cæsarum, Regumq; diade-
mata, ita tamen, ut victrices è triumphabunda scientiarum
area laureas non eripiam Academicis. Attonitò admiror
obtutu Cræforum, & Augustorum ipsis astris insultantia Pala-
tia ; suam tamen septifulcrem Amplissimamq; Regnantis fa-
pientiae domum (*a*) haud quaquam valeo præterire. In crue-
tò rubescensem cruore Gloriosissimum Imperatorum humil-
jimè de oscular Muricem ; attamen ad rubricantem doctrinæ
ac Eruditionis Purpuram elingvis erubesco. Adeò insepara-
bilis Regiminis, ac sapientiae est affinitas, ut si illud intueri ;
hanc rueri, si illud videre, huic invidere, si illud vereri, hanc
jure revereris cogaris. Si in hoc Xerxes major Themistocle,
quod ille orbis dominator, in hoc certè major Xerxe Themisto-
cles, quod iste Astrorum etiam dominator ; uter major alte-
ro? stat sub hasta. Ipsa sacra pagina SS. Regum Triadem re-
colens, quasi Regiæ dignitatis oblita, non tres Reges, sed (*b*) (*b*) *Matth: 2.*
Magos, seu sapientes munificos ab oriente venisse perhibet. *9. 1.*
Et verò nunquam tam sublimis in Throno sedisset Cæsar, ni
eadem dextrâ vibrasset ensim, ac scripisset commentaria.
Nunquam tam glorirosus Romanus Scipio effulsiisset Princeps,
nisi semper inter arma & studia versatus, aut corpus periculis,
aut animum disciplinis exercuisset. (*c*) Nunquam in hunc Euro- (*c*) *Vellej: I. 1.*
pa effloruissest Florem, ni Regna penes sapientes, aut penes *Hift:*
Reges sapientes fuissent. (*d*) Eodem certè curruli vehebatur (*d*) *Possidonis,*
quondam Majestas (quamvis effera) Dionisij Syraeusani, &
Platonis sapientia. Eodem apud Fridericum Austriæ sym-
bolò, imperans potestas in acinace, ac doctrina spectabatur
in

in Codice. Eodem apud pharetratum Apollinem scientia ac militia nectebatur connubio, eadem apud Rudolphum I, induebatur purpurā Potentia Regia, & Musarum amor. Eadem adhuc dum hodie Imperialis Augustissimi ac Invictissimi LEOPOLDI Nostrī Biceps Aquila obtutu Oleam & Gladium respicit, ut in Olea Consilio sapientem, in Gladio potentem Industriā, in utroque Cæsarem, in utroque exhibeat Purpurtum. Eadem sapientia cum Majestate hereditas, eadem participatio, & veluti inopia ineptitudini, ita Opes Regum sapientie

(e) Laet: in ac virtutis sociantur. (e) Purpuratum igitur una tecum, Senatus Populeq; Academice, hodie dum revereor sapientiam, Purpuratum in sapientia Rubricis Jurium, veneror demississimē Judicūm Principem sapientissimum non minis ac sanctissimum IVONEM nostrum. Purpuratum Regali Purpurā

(f) Pet: 2. 6. 9. Regali, videlicet Sacerdotiō, (f) sacerdotali Regnō adornatum, Purpuratum Regali purpurā, cui veluti neo-reviviscenti lege nostrā Aaroni, Stolam sanctam durō, & Hyacinthō, & purpurā contextam Regia desuper contulerat Majestas : opus textile,

(g) Eccl: 45. opus Viris sapientis Judiciō & veritate prediti, (g) opus Purpureum Purpurati Justitiae Regalis Principis. Cujus purpuram, Rubricis Jurium tintam jure clientelaris affectus devotissimē celebrans, Vestram AA. Ornatissimi humiliter expeto benevolentiam : Tuam autem præprimis Magnifice Rector, Spectabiles, Eximij, Clarissimi, Excellentissimi, ac Doctissimi Domini Professores, appello sapientia Purpuram, quā erubescens ad dignitatem Vestram vultus verecundiam adimere, & quod de Purpurato prompturus sum IVONE, candido annuto excipere dignemini, Favete,

Nocturnis erraticæ idolatriæ gravati tenebris, Aegyptiorum, Persarum, ac Chaldaeorum oculi divinam in sole suspicere conabantur Majestatem. Hinc ab Aegyptijs fundata celebris Heliopolis, mensa solis constructa : Inde à Chaldaeis Phæbo erecta fana, inde à Rhodijs ad immensam sublimitatem, toti orbi stupendus, exectus est Colossus, (b) Cuius digi-

(b) Herodotus. lib: 9.

digitis maiores erant, quam pleraque statuerat. (i) Ita Æthnica olim ^{(i) Plini: l. 34.}
delirabat antiquitas. Sicutius deliria, suam tamen supremo ^{cap: 7.}
Astrorum Lutum inari affingere audeamus Majestatem. Ad
Solis ego proprio Regiam sublimibus succollatam columnis:
Ad solis Aulam erigor, ubi regnanti Principi fatiulantur a-
stra, solēm suum sua sidera nō runt. (k) Progrēditur ille flammēa ^{(k) Virg: 6, AE-}
vectus quadrigā: at antequāti circularem Horyzontis scrute-
tur ambagēti, sublunaribus, quasi Adventūs Regij Prodri-
mum, purpuratum cum Aurora Phosphorum Vasallis dele-
git. Habet etiamnum hodie suum sapientia Juridica solem;
unde Clarissima: habet, solem Justitiae, (l) cuius purpuratum ^{(l) Malach: 4.}
ē Britannicis, in orientis adolescentiæ aurora, lucentem oris
spectate Phosphorum AA. Novam quandam stellam ^{(itā ordi-}
tar Historicus) (m) creavit deus in firmamento cœli, cuius splen- ^{(m) Surius in}
dore ornarentur cœlestia; illustrarentur humana: nempe Sancti-
fum IVONEM Presbyterum & Confessorem ē Britannia minori
patum. Spectate novū Phosphorū, qui necdū in mundū genitus,
jam in utero Genitricis, non infausto omne, flagrare videba-
tur. Tētigit hic Metapontanus Philosophus: Principium vita
sidereum esse ignem. Spectate Phosphorum in Britannia, at
non exspectate; nam vix comparuit, & disparuit. Stellam
Britannicæ, abripuit Lutetia, Stellam in perpetuas emicaturam
territates. (n) Phosphorum abripuere Parisij, Phæbum de ^{(n) Dan: 11.}
hoc sidere parituri. Parvunt Parisij, paret IVO, animi pa-
rat in eundæ musarum affinitati purpuratus Autor & Phos-
phorus. Quid mirum? Aurora Musis amica. In hac Mūsaturn
amicitia celerrimō semitam divini Solis metiebatur progres-
su, metuens, nē, cū in via Dei non progreedi sit regredi, (o) si ^{(o) Bern: ad}
cespiraret, inter erratica fortan sidera, deplorando errore, FF. de Mon-
te DEI. recenseretur. Inde Parisios rursum deserens, sublimiora cœli
ascensurus culmina, adhucdum in Aurora jam Aureliae pur-
purascere cœpit. Cucurrit velociter, imō non cucurrit sed
sedit genuinus sapientiæ Amator, si Platone teste anima seden-
do sit sapiens. (p) Sedit ergo; imō non sedit, sed cucurrit: de ^{(p) In axio-}
Virtutis matibus.

- (q) *Pf. 83.* *Virtute scilicet in Virtutem*, (q) de scientia in scientiam, de sapientia in sapientiam velociter ascendens. Cucurrit, non sed sit: nec enim sedere poterat, dum teste Lucano *cuncta movere studium*. (r) Hoc studiō diu noctūque movebatur, nē captivante animum socordiā, stagnanti similis cloacæ, maleolenti tandem subjaceret corruptelæ. Ecce tibi Auroram studiosa *Juventus!* imitare, nē alioquin tepidam *otia corrumpant mentem*, (s) & aut invidiæ, aut pravae cupidinis passionibus infestam præcipitent. Sed quid ego, qui me vobis Purpuratum Judicum Principem promiseram daturum IVONEM, Purpuratam obtutibus Vestris Matutinam figuro stellam? non invanum: accrescente etenim ætatis meridie, jam Phosphorus noster Phosphorum exuit, in solem converti cœpit. Quod si in Solem; ergo in Principem: Princeps etenim Ethico (t) *Sol Nexus Philos:* quidam terrestris nuncupatur. In hunc terrestrem Solem, in Principem profectò Judicum converti cœpit D. IV O, dum à Rhodonensi Archi-Diacono ad Judicis Ecclesiastici subsellia collocatur. Desine jam lamentari, desine arguere, desine conqueri, desine cavillare censuratrix Poësis, desine dicere: Curia pauperibus clausa est, dat census honores,
- (u) *Ovid: 30 am:* *Census amicitias.* Pauper ubique jacet, (u) Falleris, non jacet amplius, sed stat firmiter propugnata causa pauperum, dum novus felicissime prodit *Pauperum Advocatus* (w). Desine Lessum canere quasi emortuæ, ac exulanti fidei, desine ablatæ Elegum occinere Justitiæ, desine plangere:
- (x) *Persius.* *Aurô pulsa fides, aurô venalia jura,* (x) Falleris: unus te condemnat IV O, qui non cum Stratocle, & Democrite *solis se mutuo ad me sem aurream invitare*, jura divendit sed cū Ferdinando I. potius mundi jastrurâ læsioni justitiæ postponit. *Fiat justitia, aut pereat mundus.* Liceat mihi hic Purpuratū Alphonsi Regis affigere Symbolum, quo cruentus in se, benignus in pullos propriō effusò sangvine, visebatur Pelicanus adjecto lemmate: *Pro Lege, & pro Grege.* (y) Jure ego Sanctum hunc Pelicanum IVONEM nostrum dixero:
- (y) *Mafsen: spec: imag.*

Pro Lege ille Purpureū suū immolavit sanguinem, dum Ecclesiasticam libertatem, & immunitatem pro viribus tuebatur. (2) (2) Surius in Vita.
Pro Grege seipsum obtulit, dum in misericordia opera non modò propendebat, sed totum se impendebat. Pro Grege ebullientem tradidisset sanguinem Pastor, & Judex Benignissimus, dum tanta erga proximos, quamvis delinquentes, ferebatur compassione, ut cum preferenda ab ipso esset in judicio sententia, id sine lacrymis facere nequiverit. Hoc est, quod canit Astro-Poëta :

Manè rubens cælum venturos indicat imbres ;
dum divinissimus IVO noster, qui rubescet in vita Aurora,
pluvias lacrymarum extorquet in meridie. Redire me iterum
ad Astra cogit IVONIS liberalitas, & quem antè inchoavet
ram, in Solem transformatum Phosphorum non tubè opticè,
sed humili mentis oculò meditari. Et profectò nemo dubitet
IVONEM Solis obire munia ; nam si Sol typus est misericordia,
omnibus beneficiens, (1) quis magis in hoc figuretur Luminaria-
ri, quam hic misericordia Sectator, qui omnibus omnia bene (1) Franc:
fecit, (2) omnibus omnia factus, (3) Sapientium & insipientium Mendoza:
se reddidit debitorem, (4) & quemadmodum Sol super bonos tom: 2. in l.
& malos oritur, (5) ità eadem Universali dilectione sua bonos Regul:
& malos in domino amplectebatur, illorum ut confirmaret (2) Marci 7.
stabilitatem : horum ut reformaret debilitatem : eadem o-
mnes generaliter parturiebat, & generabat dilectione. Au- (3) 1. Corinth:
dit hoc Famosissima Trecorensis Insula, utque suum per hanc 6. 9.
Purpuram ampliare decorem, eum qui Generalem erga pro-
ximos gestabat affectum, IVONEM, in Generalem Judicem
constituit. Hic vidisses resurgentem ferè à mortuis viduarum
ac pupillorum frequentissimam turmam : hic vidisses pau-
perum, ac egentium quotidiana refugia : hic vidisses dereli-
ctorum, ac perditorum tutissimum asylum : hic vidisses in-
cordis IVOniani concavo, Architectante Charitate, sumptuo-
sissime effabricatum Hospitale, de quo adeò abundantes in
pauperes profluebant census, ut ipse tandem paupere paupe-
rior

tior IVO, etiam extremitate detraxisse visus sit necessitati : O quām prodigalis est charitas ! Indagate nunc AA. (quod quondam ex Socrate Aristippus) vos ex SS. IVONE nostro : *Unde tibi tam pauca?* (5) & reponet illud Divi Laurentij profusa IVONIS liberalitas : *Pauperum manus thesauros in cælum*

(6) *Jac: de Vo: deportaverunt.* (6) Requiram ego : *Unde tibi tam multa Be-
rag: Legenda
de S. Laur:* nignissimè IVO, quod diffusis bonis omnibus abundantior redditaris ad dandum, quod saepè numero uno pane dives, rara Divinae in Christo Potentiae sequelâ, magnam pauperum multitudinem saties, ac reficias ? Adverto Sanctam Divini hujus Fæneratoris Usuram : Nihil habere vult, ut omnia possideat, omnia relinquat, ut centuplum accipiat : effundit ut affundat,

(7) *Ecc: 1.* *omnia enim fluminare redundant in mare,* (7) de quo primæ vos sumpsere rivulos. Eligit justitiam *distributivam*, ut traditis vanitatibus pro æternis, feliciorem reperiat *commutativam*, in hoc ipso Regalem lucratus Purpuram, quod rejecta Purpura & divitijs, vilibus contentus vixerit, ut alijs benefaciatur ; Solum enim *benefacere alijs*, *Regium fuit Artaxerxi*, teste Plutar-

(8) *in Reg: A. chd.* (8) Si haec benignitas IVONIS in alios, si haec liberalitas in proximos, si haec benevolentia in pauperes : quantum putatis eum sibi ipsi fuisse Benignum ? & siquidem relatio dilectionis proximi in suipius fundatur amore, qui tantum alios amplectebatur charitate, sibi indubie majorem tenebatur benevolentiam. Sed non clauditur naturæ terminis Sanctus No-

ster, alijs Benignus, sibi soli severus, & crudelis. Verè alter consecratus ab utero Joannes, qui *venit neque manducans, ne-*

(9) *Matt: 11. que bibens,* (9) dum septem diebus extaticâ distentus oratione absque cibo & potu perdurat. Durissimò reclinatus strato vix ullam Morpheo partem admittit virtutum Custos oculatior Argô, sed vel noctua oculos emutuat à Pallade, vel cum oculatis Apocalypticis animalibus Numen æternum dillauat : etiam in hoc purpuratus, si teste Seneca : *Vigiles trahit*

(10) *Sen: Htr: Gfj:* *Purpura noctes.* (10) Omni planè jure corpus suum destituit, & servitute perenni, vix non ad interne rationem usque, anima man-

mancipare nō situr, Vixit IVO in corpore sīne corpore, & [ūt
olim de Alipio dictum est⁽¹¹⁾] totus anima fuit, vix corpus fuit⁽¹²⁾ *Eugenius*
In hoc solo homo, quod mortalem corporis gestabat sarcinam, in reliquis vivus in terris Angelus, uno solo, contentus
Creatore, cuius frequenti quoque obtutu delectari mereba-
tur, Sordet Angelis terra: *Humana temnit IVO, Cælitum se-
des petit;* & qui indutum purpurā sapientis patientem medita-
batur Salvatorem, ad ejusdem *Ascensum Purpureum* (12) *Prin-*
Cant: 3.
ceps Purpuratus invitatur, Eja! Cantus Angelici morantur
Angelum; Ascende Beatissime IVO, qui trahente antea hu-
militatis funiculō ad profundum usque nihil te ipsum dejeci-
sti. Ascende ad Empyreum æternitatis Collegium Justitiae
Apex, *Justitia de calo prospexit,* (13) *Te Advocatum Pauperum* (13) *Psal: 84.*
ad Tribunal advocat, & sinū Abrahæ recondendum stabiliter
appromittit, Ascende Purpuree Jurisprudentiae Cultor: con-
solidatae sunt bases tuæ, quia *Dilexisti Justitiam, & odisti ini-
quitatem, propterea unxit te Deus Oleo letitiae,* (14) dum *Te* (14) *Psal: 44.*
extremæ Unctionis muniuit armis, Ascende Judicium Prin-
ceps, ad novum te superna Agmina Collegium morantur: tra-
hit te fulgidus Justitiae Sol, ut qui distributis omnibus tempo-
ralia cuncta reliquisti, inter Superni Judicij duodecim viros
dignus accensearis Assessor, Tribus Israel judicaturus.

Ascendente Divinissimo IVONE Nostro, descendit hu-
millima Panegyris mea, & cum illo emoritur; Si quem tamen
antea vitalem in membris reperisse videtur spiritum. Incine-
ratur corpus debile orationis mæx, & formam amittit, si ta-
men antea informe non exstítit. Atra taciturnitatis inclusum
urna ad terram demittitur, Vestrae videlicet benevolentiae grates
relaturum. Dum IVO Beatissimus petit Astra, perdo Ro-
stra. Dux illum Judicium Principem, & nihil dixi; *Judicium*
enim ejus quis loquetur? (15) Dux purpuratum Rubricis Juri-
um, & nihil dixi: quis enim tam amplam virtutum, ac pro-
digiorum suorum, quis tam fulgidam sapientiæ suæ explicabit
Purpuram? *Nimiùm prolixii erimus, si particulatim omnia*
dice-
*L. 57. ac
re Jud:*

(16) Surius in dicere, aut perscribere velimus. (16) Eloquatur Fama, tacente
Vita.
elingui Oratore: buccinet perennis Gloria, ubi meus obmu-
tuit sermo. In Vesta, Inclite Senatus Academice, id melius
refulgebit Purpura, quod languente meo obnubilatum est
pallore. Vesta quoque AA. Honorandissimi perficiet Sa-
cientia: ubi mea defecit ignorantia. Satisfacite ergo Vos
ad justitiam, quæ ego imperfectè ex justitia

D I X I.

644

